

علوم اقتصادی و اجتماعی

مجموعه علم

در آیت برنجی کوی شیراوتور

مؤسسه

احمد شعیب، رضا نویسنده، محمد جبار

موضوعات

رویه : احمد شعیب ، - استقرار مقوله نامہ لری ، - اصول
سکوکات عثمانیہ : ابن الحنفی لعلی ، - زراعت استانیستیک لری
نسل بایبلور : جمال ، - حکومت و حراثت حلقہ سہ سرک
فلسفہ : رضا نویسنده ، - اخلاق کیر : احمد شعیب ، - بودجه
حقنک تاریخی : دارالعلوم مظاہرین زاهدی ، -

مدیر و صاحب امتیازی :

محمد جبار

اسطغی : ۱۰ غروش

استانبول

امور اداره و تحریر : طابک مطبعہ سی

۱۳۲۵

فرانسه خاندان کیری

۶

برماکنه نك قيمتى ياپدينى ايشه كوره تقدير اولونور . يوقسه اونك
 كانغد اوستنده غايت كوزل برصورتده رسم ايديش اولماسى حائر اهميت
 دكئدر . ماكنه نك موجودى بزه پلانلرينك مكمليتدن ، نظرياتنك حسن
 انجامندين دورودراز بحث ايمهسى بي فائده در . چونكه اوندين ايستدريكسز
 شى پلان ونظريات دكل ايشمزه يارايه جق بر آلتدر . حكومت ده اجراى
 عدالت ومحافظه آسايش ايچون ياييلمى بر آلتدر . بو آلتك قوللانيشى
 ومؤثر اولماسى ايكي شرط اساسى يه وابسته در : اولاقواى عموميه آراسنده
 آهنگ واتفاق اولمايدر ؛ چونكه عكس تقديرده برينك ياپديغى ديكرى
 يوزار . ثانياً هر كس بوقوتلره حرمت ورعايت ايمهلى در . عدم اطاعت
 اونلرى اهميتدن اسقاط ايدر . فرانسه مجلسى مؤسسانى ايشه ياپدينى قنون
 اساسيده بو آهنگ واطاعتى تأمينه موفق اولامامشدر : وجوده كتيديكى
 ماكنه ده محركلر يكديكرينه مخالفت ايديور ؛ مركززه پلانك بويوك
 چرخلرى بوشه دونيور ؛ طوپراغه تماس ايدن برچوق كوچوك چرخلرده
 اكريلهرك قيريلور . قزانه لزومندن فضله كومور آتيلمى ، باجادن سياه
 بردومانله قيقلجملر چيقيور . حاصلى هرشى ماكنه نك باطلا مق اوزره
 اولديغنه برنشانه در .

مثلا مجلس مؤسسانك ياپدينى قنون اساسيده حكمدار اياه قوه
 تشريعه نك يكديكرينه قارشى حائر اولدينى حقوقى تدقيق ايدم : عموميتله
 قوانين اساسيه اكر اصللرى اعتباريله قواى مختلفه تأسيس ايتمشلرسه
 بونلرك اختلافى حائنده حكملك وظيفه سنى ايفا ايتك اوزره برده مجلس
 على ياپارلر . وياخود هيچ اولمازسه قواى عموميه نك دائره صلاحيتلرينى

مجاز ایدمه‌ملرینی تأمین ایچین هپسنگ آله متقابلاً بر سلاخ ویرز.
 مثلاً حکمداره قارشى قوؤ تشریعه‌نک آلدیه بر سلاخ الزمدر. بو، بودجه
 حقى، ویرکینی قبولدن امتناع آیه مکدن عبارتدر. لکن حکمدارکده
 لای‌الایجاب مجلس حقنده قولالامتی اوزره عینی قوتده بر سلاخی اولمالیدر.
 بوده مجلس مبعوثانی فسخ ایتمکدر. اگر ایکی قوتدن بری سلاخسز
 بر اقلیرسه دیکری هرشی یا پاییلیمک اقتدارینی غازیئر و بواقدار نتیجه‌ده
 اونی دلی ایدر. مطلق بر اقتدارى حائر بر مجلس مبعوثان‌ده بر حکمدار
 مستبد قدر مهلکدر. قوؤ تشریعه‌نک عقالی محافظه ایدیه ییلیمه‌سی حکمدار
 کبی اونکده بر مراقبه‌یه تابع طوتولماسنه وابته‌در. مجلسک حکمداره
 ایسته‌دیکی پاره‌نی ویرمیه‌رک اونی تضیق ایدیه ییلیمه‌سی آنی اولدینی کبی
 حکمدارکده متتخیاره مراجعته کندیسنی مجلسه قارشى مدافعه ایدیه ییلیمه‌سی ده
 آنی در. استعمالی مهلاک و اندراولان بو وسائط مضروطه‌دن ماعدا حکمدارک
 قایینه‌سی مجلس اعضالری آراسندن تشکیل ایتکده حقیدر. و بو اصولت
 نتیجه طبعیه‌سیدر که اکثریا ناظرلر حائر اکثریت فرقه‌نک رؤساستندن
 اولور. ایسته بو آدم‌لرک قایینه‌یه کیرمه‌سیله حکمدارله مجلس آراسنده
 بر اتحاد وجوده کلیر. چونکه بو صورتده قایینه‌اعضاسی هم مجلسک و هم ده
 حکمدارک آدم‌لریدر. و بوسایه‌ده قوؤ تشریعه‌یه برانیت کایر؛ چونکه
 مقام اقتدارده اولان ذوات کندی آدم‌لریدر. عینی زمانده ده بوشکل مجلسی
 اجرا آت مجنونه و مضروطه‌دن صیانت آیلر. زیر ناظرلر حائر صلاحیت
 و مسئول کیمسه‌لردر. خدمات عمومیه‌نک مرکزنده ایفای وظیفه ایدر
 بو آدم‌لر قانونلرک نأدلی و یا قابل تطبیق اولوب اولمادیغنی محاکمه ایدیه ییلیرلر.
 بناءً علیه قوانینی تکلیف و یا قبول ایتمزدن اول بوتون نتایجی حساب ایدرلر؛
 چونکه تطبیقه کندیلری مأمورددر. حاصلی «پارلمنته» بر قانون اساسیده
 نظارا اکثریت فرقه‌سندن یا ییلمالیدر. و مجلسک جتلیغی، اعتدلسز الکلیغی
 منع ایتمک ایچین یکانه جدی و مؤثر واسطه‌ده‌بودر: برتره قوتدو کتوری

ماکنه سندن کومورک آلمانسه ولوقوموتیفک اوستنده یورویه جکی زایرک
قیرمانسه تحمل ایتمز . ایشته بوتون نواقص ومحاذیری ایله برابر عصرلر-
دنبری تجارب بشریه نک جمعیاکی استبداد ویا آنارشیدن محافظهسی ایچین
بولدینی شکل حکومت بودر .

فرانسه مجلس مؤسسائی نظرنندن تجاربک هیچ اهمیتی اولمادیغندن
ژان ژاق روسوکی مفرطلرک نظریاتی نامنه ایکی قوتی متفقاً یورومکه مجبور
ایده جک بوتون روابطی متعاقباً قیریورلر . مثلاً مجلس اعیان اساسی قبول
اولونمور ؛ چونکه دیورلر بو ، زادکانک برفده ایکی ویا ملجائی اوله جق .
باخصوص « اراده ملیه » برجزء لایتجزی اولوب اونی مختلف عضولر
آیرمق جائز دکلدر . دیگر طرفدن قوه تشریعه اوزرنده حکمدارک هیچ
برنفوذی یوق . قوه اجرائیه اوله بر قول که دائماً اطاعت ایتمکه مجبوردر .
مثلاً قرالک ، قانونلری ایلک دفعه ردایدهرک مبعوثاندن تکرار مذکره سنی
طلب ایتمک حقنی بیه زورله قبول ایتملردر . چونکه قولک باشه اطاعت
ایتمه سی حالتی کولونج بولوبورلر . قرال ، مجلس مبعوثانی ومتخبرای ایقای
وظیفه دعوت آله مک ، مجلسک وقت اجتماعنی تأخیر ایتمک ویا حسب الایجاب
اونی داغیتق حقنه مالک اولمادیکی کی لدی الایجاب برقانون بیه تکلیف
ایده میه جکدر . حاصلی قوه اجرائیه ایله قوه تشریعه آراسنه قالین بر دیوار
چکیلور . آل کیرمیه جک برده لیکی بیه بویوک براهتمله طقیورلر . سرایله
مناسبتدن فساد اخلاقه دوچار اوله جقلری احتماله بناء مبعوثلردن ناظر
یایلمیور . ومجلسه دعوت ایدیلمن نظار کی استنطاق ایدیلیور . حرب
قرالک تکلیفی اوزرینه مجلس طرفندن اعلان ایدیله جکی اساسی بیه میرابونک
مدھش بر بازاره سی سایه سنده ترویج ایدلشدر .

قوه اجرائیه مأموریته کلنجه مثلاً حاکم ، مدعی عمومیلر ،
قومیسرلر ، مدیرلر ، تحصیلدارلر ... هپ انتخاب اهالی ایله منصوب .
کاغد اوستنده قرال اردونک قوماندان اعظمیدر ؛ لکن حقیقت حالده قوه

مسلحه نك هيچ بر جزئی النده دكل . هپسی باشقه مرجعلره تابع و مربوط
 قوه اجرائیه قصداً كوتوروم برحاله قونه رق نهایتده کی چرخلری مرکز
 باغلایان روابط قیرلایغندن ما كنه نی تحریكه غیر مقتدر اولان قوت حكمدارك
 آللری آرمسند عديم الحركه قالیور . ویا خودده بوشنه دونیور . قرا لك
 قانون اساسیده محرر : « اداره عمومیه نك ، قوای بریه و بحریه نك رئیس
 عالیسی ، انتظام و آسایش مملكتك محافظی ، ملك تمثال عالیسی ... » کی
 پارلاق عنوانلرینه رغماً شیمیدن صوكره ذره قدر نفوذی یوق . بوكافی
 دكلكش کی آنندن حق عفو ده آلیور لر ؛ و بونكه مونارشیك حكومتك صوك
 داماری ده كسیلیور . قوه تشریعه نك موافقتی آلتماق سزین بر معاهدۀ صلحه
 ویا اتفاقیه یا بیله میه جق ، ولی عهد ، مجلس اذن ویرمدكجه فرانسه دن طیشاری به
 چیتامیه جق ... ایسته بوتون بوتدایر احتیاطیه دن ماعدا تهدیدات ده موجود .
 مثلاً قرا لك نه کی احوالده خلع ایدیله جكنه ، نظارك قاچ صورتده محكوم
 اوله جفته دائره برچوق ماده لر وار . ملك اعتمادینه یالكز قوه تشریعه
 لایق قدر فكري برقاعده اساسیه اولدینی کی قوه اجرائیه ده طبیعه بر دشمن
 عمومیدر اعتقادی حكومفرما . شاید قرا ل برقانونی ردایده جك اولسه اونك
 بو حرکتی بر مأمورك آمرینه ویا تبعه دن برینك حكمدارینه قارشى عصیان
 کی عد اولونیور .

مجلس مؤسساتك تشكيلات اداره نی هانکی قواعد مستنداً یایدیغه
 كلنجه : اساساً بر خدمتك اینی وطوغرو كوروله بیلمه سی ایچین اولا اونك
 بر رئیس اولمالیدز . ثانیاً ده بورئیس معینی بالذات نصب و عزل ایدره ك
 ایسته دیکی کی مكانات ویا مجازات یا به بیلملی دز . مسؤلیت ، دقت ، تشبث ،
 رؤیت ، مربوطیت کی اداره اموره الزم اولان اوصاف بوسایده وجوده
 كلیر . مشترك حماقتلر ، ضعفلر کیمسه نی مسؤل ایتمز . قوماندایالكز بر
 آله اولورسه جدیدر . دیگر طرفدن آمر معینی امیدله قورقو آراسنده
 ضومق سایه سنده اولره استناد ایدمیلیر ویا لكز بوسورتده بر دشمن دوفیر

دیرکتوری مقاحیلرینک وقت معینه وظیفه‌لری باشنده بولوناجقلرینه امین اولور . هر نوع تثبئات عمومی و خصوصیه طوغریدن طوغری به و سربعاً تضییق و تأدیب اصولی مأمورینک تأمین اطاعت و تقیدی ایچین یگانه بروسطه‌در . هر زمانده ، هر رده اداره مملکت خصوصنده برچوق مأمورین تک بر آدمک آووجی ایچنده‌در . فرانسه قانون اساسینده ایسه کیفیت برعکس . مادونک مانوقه اطاعتی مجبوری رنج ایدی‌لور ؛ و بونکجه استبدادی قاندر اجغز دیرکن حکومتی محو ایدی‌لورلر . سلسله مراتبه قبول ایتدیکلری قاعده عمومی مأمورلرک آمرلرندن مستقل اولماسیدر . بر آمر معیتی نه نصب و نه عزل ایتک حتنه مالک ؛ یا لکز برحق اختصاری وار . مثلاً قوای محلیه دن هیچ بریسی حکومت مرکزیه تک وکیل و مرخصی دکل . قوه مرکزیه یاندزلی قوتوق ایچنده اوږوران آلر و قونسلر بر آدمه بکزی‌لور . مثلاً مالیه ناظری بر تحصیلداری ، داخلیه ناظری برده پارتمان مأمورینی ، عدلیه ناظری ده برحاکمی نه تعیین و نه ده عزل ایده‌بیه‌لور . آرتق قوه مرکزیه تک بوتون عضلاتی کیسلمش . هر ده پارتمان کندی باشنه یا شایان کوچوک بر دولته بکزی‌لور . ده پارتمان داخلنده ده مانوقک مادونی مختلظه و اداره ایده‌جک هر دلور و رابطی مفقود‌در . ده پارتمان مأمورلری قشالره و بونلرده بایده‌لره قارشی هیچ برحرکتده بولونامی‌لورلر . ذاتاً ضعیف اولان حکم و نفوذ دولتی سلسله مراتبی هر درجه‌سنده برچوق جز‌لره تقسیم ایده‌لرک بوس بوتون بیتیری‌لورلر . مثله متعدد مجلسلر وار . لکن بو محالی سوق و اداره ایده‌جک بر باش یوق . هر رده قرار و اجرا کوه زه لککلر ، مناقشه‌لر ، مراسم ایله ابطال ایدی‌لور . بعض منتخب مأمورینده اجمال مدت ایتدکن صوکره یکیدن انتخاب اولونامی‌لور . بواصول بر طرفدن امور دولت ، دیگر چیته دن منافع ملت نقطه نظرندن قنادر . مثلاً اولابیلرکه بو آدملرک ایچلرندن بعضیلری متخبلرک اعتمادلرینه کسب استحقاق ایتشلر ، تطبیقات اداره ایله نادر و قیمتدار بر صلاحیت قازانمشلردر . بونلرک مأموریتلرند

محافظه‌سی خدمات عمومی‌یه فکر تعقیب و دور اندیشی کبی اوصافی تأمین
ایده جکنه باقیلمیور. اهمت ویردکری شی مأمورلرک چوق نفوذ قازانمالرینه
مانع اولمقدرد. بناءً علیه تام ایشه یارایه جقلری زمانده قانون اونلری طرد
ایدیور. اوردو و ژاندامه‌دهده « اوتوریتیه » بی قالدیریورلر. مثلاً بر
ملازم ثانینک تعینی ایچین بوتون ضابطان اعطای رأی ایدهرک نتیجه‌ده
کیم اکثریتی قازانیرسه اونصب اولونیور. ژاندارمه و غاردناسیولده
بویه انتخاب صورتیه‌در. بیویک ضابطان کوجوک ضابطلر طرفندن
بر سنه مدته انتخاب ایدیلیور. و نتیجه‌ده عسکرلکدهده قوماندای،
دنیلن شی قالمیور؛ و سلسله مراتبده نفوذ و اقتدار پیدرپی اُک آشانی
طبقه‌ده بولونانلرک آللرینه قالمیور. آرتق بادیلر مالکانه‌لری داخلنده
و خارچنده هر شی یا پایلمکه کندیلرنده بر صلاحیت کوزویورلر. شیمیدین
صوکره قرق بیک هیأت حاکمه حکمفرما بوهیات آللرنده کی قوقی اودرجه
سؤ استعمال ایدیورلرکه یارسد کی قومون « قونوانسیون ناسیونان »
مجلس اوزرینه ایقاع ایتدیکی تهدیدات ایله بوتون فرانسه بی اداره ایتمه
جراثیب اولویور !

انتظام اجتماعی بی اساسندن ییقوب یکیدن یاقمه مأمور اولان بوهیات
اولا منقول و غیر منقول درت میلیار اموان رهبانیه‌یه ثانیآده مهاجرینک
اداره ایدیله جک، صاتیله جق ۴۱ میلیارلق املاکنه مالک اولمشدی. ۸۹۷
بیک راهب و راهبه بی یرلشدیروب بسلامک ۴۶ بیک مختلف رتبه‌دن
رهبانی عزل و طرد ایله یرلرینه باشقه‌لر بی تعیین ایتک، اهاییه تقسیمات
جدیده ملکیه بی اوکرتک، برچوق مجالس ابتداییه بی اجتماعه دعوت
ایله مک، یکیدن جدول مکلفینی تنظیم و تکالیفی توزیع ایتک غاردناسیونالی
کیدیرمک، اورمانلری حسن محافظه و قومونک احتیاجات ضروریه‌سی
تدارک ایتک کبی وظائف متنوعه‌نک اجراسیله‌ده مکلفدی. بوایشلرک
آلتدن انجق معیتده مطیع بر قوه مسلحه اولق شرطیه - غایت

بحرکلی ، تجربه دیده ، مستقل بر رئیس قانقایلیز . حال بوکه بویله
 رئیسک یرنده هیچ حکم و نفوذی ، تجربه سی ، اهلیتی اولمایان بر بلدیله
 وار ! ۴۰۰۰۰ بلدیله دن یاریسی او قومق و یازمق بیلمه یین « اوفیسیه لر »
 ائنده ! ولایتلرک چوغنده قوانین و بیاننامه لر دن هیچ برشی آ کلامیورلر ؛
 یارسدن کنن اوامر و تعلیمات علما نه یی آ کلامق و تطبیق ایتمک ایچین
 او کوزلری یکی براقوب کلش بر کویلی یرنده تجربه دیده و قانون شناس
 بر مأمور بولونمق لازم . ایشته بو صورتله قانون تفسیرات غریبه ایله
 شکل اصلینسی غائب ایدیور . صوکره بو آدملر انسانی بر رئیس حقیق
 یاپان ، هیجانات عصیه یی وظیفه عمومی مه قضایانه تابع قیلان تهلکه
 اجتماعی حسنه ده مالک دکلر . دیگر طرفدن اهالیله بر از اول کندیلرندن
 رأی دیله نن کیسه لرک بر مدت صوکره حاکم صقیله امر ایتسنه تحمل
 ایده میورلر . ایشته بوندن دولانی درکه « اوتوریته » مطاع اولق ایچین
 اطاعت ایده جک کیسه لرک آلری ایچنده دو غماملی در . جاهل خلق :
 « بز او آدملری ارزولریمزی اجرا ایتمک ایچین نصب ایتدک : یوقسه
 اطاعت ایچین دکل . » مطالعه سنده بولونورلر . عسکره کلنجه اوده
 وظیفه سی یامیور ؛ مثلاً بعض کره عصیانلری بیطرفانه تماشا ایتدیکی کبی
 بعضاًده ایدیلن دعوته اجابت ایتیمور !

قانون اساسینک یابدینی قرال اعطای رأی صلاحیتنه مالک اولان
 « غارد ناسیونال » در . اداری ، عدلی ، مذهبی بوتون قوای محلیه یی
 وجوده کترین اودر . فرانسه ده آرنق هرشی انتخابات ایله و بو یوزدن
 بوتون مملکت حال حرکته . اکثر متخبلرک تجربه سزلکی ، انتخاب قانوننک
 مشویتی انتخاباتی سورونجمه ده براقیور . آمریقا ده حساب ایدلمشدرکه
 هر کس هفته ده بر کوتی انتخابات ایچین مصالح عمومییه فدایه مجبور اولویور .
 فرانسه ده ایسه اووقت شکل حکومت یکی ، انتظام سزلق عمومی اولدیغندن
 بی شبهه هفته ده ایکی کون لازمدی . حال بوکه متخبلر فرانسه نك اك آز

ایشنر اولان قسیدر؛ چونکه بو صنفه دماغلریله، قوللریله چالیشانلر
 هپ داخلدی.. قانوناً حق انتخابدن یالکیز خدمتکاران ایله هیچ بر نوع
 ایراده مالک اولمایان و یومیه ۲۱ صودن آز پاره قازانانلر محرومدی. دیگر
 طرفنده اداره قدیمه نیک اعظم مأمورینی، زادکان، اغیا، رهایین شدت
 نتیجه سی اوله رق انتخابدن خارج ایدیلر؛ نومیدی و نفرت، یاخودده دینی
 و حکمداری بعض ملاحظات اوزرینه حیات عمومی دن فراغت ایدیورلر.
 و بونک نتیجه سی ده شو اولیورکه خدمات جدیده آکزیاده مشغول آدملرک
 مثلاً تاجر، فابریقاتور، چغتی آووقات کی کیمه لرک اوزرینه یوکه نیور.
 رمانلرینک اوچده برنی فدا ایله کندی ایشلرینی، خرم لری، دستکاهلرینی،
 قایینه لری ترک ایدیه رک بش، آلتی آی مدت بوتون قلیبرلیه وظائف جدیده
 لری نی ایفا ایدیورلر سده یاواش یاواش مصالح ذاتیه لری کورمک ضرورت
 و احتیاجی حس ایدیورلر. بناء علیه یالکیز به زانسونده اعطای رأی ایتک
 حقنه مالک و اسماری جدول انتخابنده محرر اولان ۳۲۰۰ کیشیدن آنجق
 ۹۵۹ ی رأی ویرمه کیدیور. حاصلی بوتون فرانسه ده یاواش یاواش
 متخبرلرک نصفی وظیفه لری باشنه کلیور. زمانی فخری و یکی بر خدمته وقف
 ایده جک ۳، ۴ میلیون آدم دفعه وجوده کتیریه من. چونکه ملکات
 و اعتیادات بشریه بر آنده دیکشنر. قباح معدن بشری حساب و تدقیق
 اولونماق سزین اوکا کیفی بر صورتده بر درجه ثقلت و قوه مقاومت عطف
 ایدلمسده در. بالآخره باتجربه تحق ایدیورکه معدنک مقاومتی تعین ایدیلن
 مقدار دن اون دفعه ده اتقصان، نقلی ایسه بالعکس یکر می کره دهافضه در.
 اکثریت ایفای وظیفه ایتدیکندن دولای فرانسه به نتیجه ده اقلیت
 حاکم اولیور. پولتیقه سیاست دولتی منافع خصوصیه لری به تابع طومق
 ایستین ذوات ایچین بر مسلکدر. غزیه لرله، پارسده کی مبعوثلرله مخبره
 ایله یین، هر یکی مسئله ده فاصل بر خط حرکت اتخاذ اولونا جغتی تعین
 ایدن، نامزدلری حاضر لایان بر طاقم آدملر پیدا اولیورکه بو سعی

وغیرت‌لری نتیجه‌سنده هر درلو نفوذ و اقتداری آلبرینه کچیره‌رك انتخاباتی سوق و اداره ایتدک‌لری کچی معاشلی مأموریت‌لرده طرفدارلری تعیین ایتدیریورلر. ذاتاًده موقراسیلرده قاعده بودر. بواقلیت حاکمه‌ده ایکی صنف خلق وار: بر قسمی «افکار مفرطه» احبابندن دیگر قسمی ده «املشکستان» دن مرکب. ۱۷۸۹ سنه‌سی نهایت‌لرینه دوغرو اهل اعتدال اولرینه چکیلرک کون کچدکجه بورادن دیشاری به حیقای دهها آرزو ایدیورلر. میدان سیاست احتراصات سیاسیه‌لرینه ایشلری قدا ایدن آدم‌لره قالیور. حاکمیت ملیه عقیده‌سی قیزمش قفالره، قیسه فکر‌یلر بر تخم کچی دوشه‌رك در حال نشوونما بولویور. ۱۷۹۰ سنه‌سک نصف اخیرنده «قانون اساسی محبانی» اسبی آلتنده ایشته بوجنس حرملردن متشکل هر برده برچوق جمعیتلر پیدا اولویور. مرشهر وقتبه وتشکیل ایدیلن وطنپرورلر قابونده هفته‌ده بر قاچ آقشام طوبلانیه‌رق «سلامت عمومی» حتنده تعاطی اشکار ایدیور. بو، برعضو جدید و طفیلی که اعضای مشروعه یاننده حسن ایدلمک‌لرین بویونرک یاواش یاواش اصل اعضانک یرینه قائم اولیور.

قانون اساسی به کانهجه اوده ایکی قسندن مرکب: بری عالی، ایدی غیرقابل تعرض اولان قسمی؛ دیگریمده عادی، موقت و قابل تبدیل و تغییر پارچه‌سی در بر کره حقوق بشری تأمین ایتمین هیچ برمؤسسه و اوتوریتیه مستلزم اطاعت دکل. جمعیتدن مقدم اولان بو حقوق مقدسه هر درلو مقاوله معشریه‌نی ابطال قوتی حائر. ویریلن برامرقانونیک مشروعتی آکلامق ایسترسه‌ک اول امرده اونک حقوق طبعیه‌یه موافقتی تدقیق ایده‌جکز. هر نوع شبهه و ترددی موجب احوالده بیاننامه حقوق نامی ویریلن بوانجیل فلسفی‌یه، بو علم حال قطعی‌یه، بواعقاد استدائی ماده‌لرینه مراجعت اولونا‌جق. بیاننامه‌ده دینیور که جمعیات سیاسیه‌دن مقصد حقوق طبعیه‌نی محافظه ایچین در و بو حقوقه قارشی جهالت، نسیان،

احمال استبداد لږك، فلاكت لږك سبب يكانه سی اولديغندن بوتون دماغاره
تنش ايدملك ايجاب ايدر. مؤسسات موضوعيه رعایت وعدم اطاعت ايشته
بیراقانیه نظرأ اولاليدر.

فقط بوحقوق عاليه نه در؟ وبوكا قارشى تردد ويا اعتراض وقوع بولدينى زمان
کيم حکم اوله جق؟ آمر يقاده بونك ايچون بر محكمه عاليه موجود در.
اورايه هرکس بر قرارك قانون اساسى به مغايرتندن بحث اياه مراجعت ايد بيلير.
حالبو كه فرانسه ده بويله بر محكمه منقود. وبوندن دولايى هر شهر وقصده ده كى
محلى قلوبلر بياننامه حقوقك پهلوانى، حكيمى، مفسرى كيسيلور. بوبياننامه
ايسه معنائى مختلفه به متحمل، مبهم ومتناقض برطاقم دتاوى مجرده
وفلسفه دن عبارت. خطابت ايچين پاك كوزل بر موضوع ايسه ده جدى بر
صورتده استعماله غير مساعد. بو، مزينات قيلندن خانه مشروطيتك قاپوسنه
آصيلمش مظنن بر اعلان كه زواللى يى هركون شدينه صارصه صارصه بر
كون اوكدن كچنلرك باشلرينه دوشورده جكلر! ايلك ماده نك ايلك جمله سنى
«وقويلم:» انسانلر حر و حقوقه مساوى اوله رقى طوخلرلر. وينه عىنى
حریت و مساوات ايچنده اولورلر.» بوقرالته قارشى بر محكوميت اعلامى
ديتكدر؛ لکن عىنى ماده نك شوايكنجى جمله سنى: «امتيازات اجتماعيه منافع
عموميه اوزرينه مبتنى اوله بيلير.» حكيمى ده هم مونارشى يى وهم ده زادنك انلى
قورتاريبور! بياننامه حقوقك بوتون ماده لرى موازنه سر ادمارك آلدنه
جصيت بشريه نك قلبه دوشورو اوزاتيلمش خنجرلردر. مثلاً «ظلمه
مقاومت...» ماده سى حريفك برى «اى اهالى! بزه ظلم ايديبورلر؛
بناء عليه مقاومت ايچون سلاحتوب قيام ايدلم.» ديبه بيله جك. «هيات
اجتماعيه مأمورينك كافه سنده اداره مؤكله لرى حقنده حساب صور مق صلاحيتى
حائزدر.» اوله ايسه هايدى اوتل دوويله كيدوب حاكملى استجواب ايدلم.
حاصل بولوله دار براقليت بكنديكى هر شئي يامغه تشبث ايدنه زك حقوق بشر
نامه دكل يالكز قواى مشروعه نك افعال قانونيه سنده قانون اساسينك متنه

قارشیده عصیان ایدیور ... خلاصه کلام مجلس مؤسسات حال مدیتک
تأسیسی، جزا و اراضی قانونلرینک تنظیمی، تکالیف و ادارهیه متعلق بعض
نظامات وضعی ایله آئی تخمملر سرهمکله برابر مؤسسات سیاسی و تنسیقات
اجتماعیه خصوصنده عملی برواضع قانون اوله جوقیرده خیالپرست برافاده می
کبی حرکت ایشدر. کندینه تودیع اولتان خسته وجود اوزر زنده بی فائده
اولدینی قدرده نسبتنر عملیات یا پیش و کسیدیکی یرلرک اوزر لرینده غیر کافی
و مضر صارغیلرله باغلامشدر. ظاهر آقرا لیتی محافظه ایدره رو صونک نظریه سی
تهایته قدر تعقیب آیه مشدر. اثنای عملیاتده اعضانک تقاضنی دوزنه ته جک
یرده بوتون اعضائی دیندن کسمش و نتیجه ده فرانسه ده نه قادرو، نه رؤسا
ونه ده سلسله مراتب قالمشدر. وایشته بوتون بواجرا آتی ایله قانونی اوپله بر
آنارشی وجوده کتیز مشدر که بو قدر مکملی دو قوزنجی عصر دن بری
کوروله مشدر.

— مابعدی وار —

احمد شعیب

